



欽定續通志卷三百二十三

列傳

宋 二十七

陳堯佐

堯叟
堯咨

宋庠

祁

陳執中

劉沆

馮拯

行己
伸己

賈昌朝

昌衡

梁適

魯宗道

薛奎

王曙

益柔

蔡齊

延慶

陳堯佐字希元其先河朔人高祖翔爲蜀新井令因家焉遂爲閬州閬中人父省華字善則事孟昶爲西水尉

蜀平授隴城主簿累遷櫟陽令縣之鄭白渠爲隣邑強
族所據省華盡去壅遏水利均及民皆賴之端拱三年
太宗親試進士伯子堯叟登甲科占謝辭氣明辨太宗
顧左右曰此誰子王沔以省華對卽召省華爲太子中
允河決鄆州命省華領州事知蘇州時遇水災省華復
流民數千戶殍者悉瘞之詔書褒美省華智辨有吏幹
景德初判吏部銓權知開封府轉光祿卿舊制卿監坐
朵殿太宗以省華權涖京府別設其位升於兩省五品
之南未幾因疾求解任拜左諫議大夫再表乞骸骨不

許三年卒年六十八特贈太子少師堯佐進士及第

按隆

平集端拱元年登進士第

歷魏縣中牟尉知朝邑縣會中人方保吉

誣以事降本縣主簿徙下邳累遷祕書郎

按東都事略及歐陽修撰

堯佐神道碑俱作累遷太常丞

知開封府錄事參軍理獄有能績遷府

推官坐言事忤旨降通判潮州修孔子廟作韓吏部祠

以風示潮人有民張氏子爲鰥魚所食堯佐命吏操網

往捕鰥弭受網作文示諸市而烹之其患遂息召還獻

詩數百篇大臣亦薦其文學得直史館知壽州歲大饑

出奉米爲糜粥食餓者吏人悉獻米全活數萬人徙廬

州以父疾請歸提點開封府界事後爲兩浙轉運副使
錢塘江篝石爲隄爲兩潮所嚙再歲輒壞堯佐請下薪
實土乃堅久丁謂言其不可徙堯佐京西轉運使後卒
如堯佐議隄乃成徙河東路以地寒民貧仰石炭以生
奏除其稅又減澤州大廣冶鐵課數十萬徙河北母老
祈就養召糾察在京刑獄爲御試編排官坐置等誤降
官監鄂州茶場天禧中河決起知滑州造木龍以殺水
怒又築長堤護之人呼爲陳公堤營永定陵復徙京西
轉運使入爲三司戶部副使徙度支同修真宗實錄不

試中書特擢知制誥兼史館修撰知通進銀臺司進樞

密直學士

按神道碑作遷龍圖閣直學士

知河南府徙并州每汾水暴

漲州民輒憂擾堯佐爲築堤植柳數萬本作柳溪民賴

其利召同修三朝史代弟堯咨同知開封府累遷右諫

議大夫爲翰林學士遂拜樞密副使

按宋宰輔表載陳堯佐自翰林學士

兼龍圖閣直學士右諫議大夫權知開封府遷樞密副使神道碑亦載兼龍圖閣直學士拜樞密副使

祥

符知縣陳詒爲治嚴急吏欲罪詒乃空縣逃去太后怒

詒連呂夷簡親執政以嫌不敢辨事下樞密院堯佐獨

曰罪詒則姦吏得計後誰敢復繩吏者詒由是得免以

給事中參知政事遷尙書吏部侍郎太后崩執政多罷
以戶部侍郎知永興軍初太后遣宦者起浮圖京兆城
中前守姜遵盡毀古碑碣充磚甓用堯佐奏曰唐賢人
墓石今十亡七八矣子孫深刻大書欲存之千載迺一
旦與瓦礫等誠可惜也其未毀者願敕州縣完護之歷
徙鄭州景祐四年拜同中書門下平章事集賢殿大學
士以災異數見自責求罷章凡四上諫官韓琦論政事
錯繆以宰相非其人遂與王隨同罷爲淮康軍節度使
同中書門下平章事判鄭州以太子太師致仕卒贈司

空兼侍中謚文惠堯佐少好學及貴猶讀書不輟善古
隸八分工詩性儉約器服壞隨輒補之曰無使不全見
棄也號知餘子自誌其墓曰壽八十二不爲天官一品
不爲賤使相納祿不爲辱三者粗可歸息於父母棲神
之域矣陳搏嘗謂其父曰君三子皆當將相惟中子貴
且壽後如搏言

堯叟字唐夫解褐光祿寺丞直史館與省華同日賜緋
遷祕書丞再遷工部員外郎廣南西路轉運使會加恩
黎桓爲交州國信使初將命者必獲贈遺數千緡桓責

賦斂於民往往斷其手足堯叟遂奏召桓子授以朝命而却其私覲又桓界先有亡命來奔者多匿不遣因是海賊頻年入寇堯叟悉捕歸之桓感恩併捕海賊爲謝先是歲調雷化高藤容白諸州兵使輦軍糧汎海給瓊州其兵不習水利率多沈溺咸苦之海北岸有遞角場正與瓊對伺風便一日可達與雷化高太平四州地水路接近堯叟因規度移四州民租米輸于場令瓊州遣蜚兵具舟自取人以爲便咸平初詔諸路課民種桑棗堯叟言臣所部諸州土風本異地利之博者惟麻苧麻

苧所種與桑柘不殊旣成宿根旋擢新榦周歲之間三
收其苧復一固其本國家軍須所急布帛爲先因勸諭
部民廣植麻苧請以所種麻苧頃畝折桑棗之數諸縣
令佐依例書厯爲課民以所織布赴官賣者免其算稅
如此則布帛上供泉貨下流公私交濟詔從之代還加
刑部員外郎遷兵部拜主客郎中樞密直學士知三班
兼銀臺通進封駁司制置羣牧使河決澶州王陵口詔
往護塞之遂與馮拯同爲河北河東安撫副使時中外
上封奏者甚眾命與馮拯詳定利害及與三司議減冗

事俄與拯並拜右諫議大夫同知樞密院事有言三司官吏積習依違文牒有經五七年不決者吏民抑塞水旱災沴多由此致詔堯叟與拯舉常參官幹敏者同三司使議減煩冗參決滯務凡省去煩冗文帳二十一萬五千餘道又減河北冗官七十五員

按馮拯傳作減廢冗官十五員考長

編載省去三司積滯文帳及諸州無例施行文字二十萬五千餘道減河北句當京朝官使臣幕職共七十五員拯傳係脫誤無疑此事已載堯叟傳中拯傳不復見附識於此五年進給事中景德

元年遷工部侍郎簽書樞密院事奉秩恩例悉同副使尋兼刑部兵部二侍郎與王欽若並知樞密院事仍兼

羣牧制置使始置使卽以堯叟爲之及掌樞密卽罷其任至是以國馬戎事之本宜得大臣總領故又委堯叟焉預修國史大中祥符初東封加尙書左丞進工部尙書祀汾陰禮成進戶部尙書五年與欽若並以本官檢校太傅同平章事充樞密使加檢校太尉未幾與欽若罷守本官仍領羣牧明年復與欽若以本官檢校太尉同平章事充樞密使以足疾求避位優拜右僕射知河陽賜詩爲餞天禧初還京師卒年五十七贈侍中諡曰文忠錄其孫知言知章爲將作監主簿長子師古賜進

士出身後爲都官員外郎希古至太子中舍坐事除籍
堯叟偉姿貌強力奏對明辨多任知數久典機密軍馬
之籍悉能周記母馮氏性嚴堯叟事親孝謹怡聲侍側
不敢以貴自處家本富祿賜且厚馮氏不許諸子事華
侈景德中堯叟掌樞機弟堯佐直史館堯咨知制誥與
省華同在北省諸孫任官者十數人宗親登科者又數
人榮盛無比賓客至堯叟兄弟侍立省華側客不自安
多引去旣卒帝褒封其母上黨郡太夫人進封滕國年
八十餘無恙後堯叟數年卒

堯咨字嘉謨舉進士第一授將作監丞通判濟州召爲
祕書省著作郎直史館判三司度支句院始合三部句
院兼總之擢右正言知制誥崇政殿試進士堯咨爲考
官三司使劉師道屬弟幾道以試卷爲識驗坐貶單州
團練副使復著作郎知光州尋復右正言知制誥知荆
南改起居舍人同判吏部流內銓舊格選人用舉者數
遷官而寒士無以進堯咨進其可擢者帝特遷之改右
諫議大夫集賢院學士以龍圖閣直學士尙書工部郎
中知永興軍長安地斥鹵無甘泉堯咨疏龍首渠注城

中民利之然豪侈不循法度敝武庫建視草堂開三門
築甬道出入列禁兵自衛用刑慘急數有杖死者嘗以
氣凌轉運使樂黃目黃目不能堪求解去遂徙堯咨知
河南府旣而有發堯咨守長安不法事帝不欲窮治止
削職徙鄧州尋復知制誥堯咨性剛戾數被挫忽忽不
樂堯叟進見帝帝問之對曰堯咨豈知上恩所以保佑
者自謂遭讒至此乞明示所犯使知陛下保全之意帝
賜詔條其事切責乃皇恐稱謝久之復職仁宗卽位擢
知開封府除翰林學士龍圖閣學士以先朝初榜甲科

特詔班舊學士蔡齊之上

按本傳不載堯咨舉進士之年考宋史眞宗本紀咸平元年

年三月壬申賜進士孫僅等宴瓊林度堯咨舉進士當在是年所爲稱先朝初勝甲科也

換宿州觀

察使知天雄軍堯咨內不平固辭不得已拜命自契丹修好城壁器械久不治堯咨葺完之然須索煩擾多暴怒列軍士持大梃侍前吏民語不中意立至困仆以安國軍節度觀察留後知鄆州建請浚新河自魚山至下杷以導積水拜武信軍節度使知河陽徙澶州又徙天雄軍卒贈太尉諡曰康肅堯咨於兄弟中最爲少文然以氣節自任工隸書善射知荆南時母馮氏問曰古人

居一郡一邑必有異政汝典郡有何治效堯咨曰荆南

當衝要郊勞宴餞迨無虛日然稍精于射眾無不服馮

氏曰汝父訓汝以忠孝俾輔國家今不務仁政善化而

專卒伍一夫之技豈汝先人之意耶杖而擊之

按馮氏生堯叟

兄弟三人皆貴顯史稱性嚴不許諸子事華侈可謂處貴不驕處富能儉無媿賢母矣東都事略載其詢堯咨

典郡治效杖擊堯咨尤知大體

子述古太子賓客致仕

宋史堯咨本傳不載今據增

按宋史堯佐傳中不載其有子堯叟傳載子師古希

博古篤學能文為館閣校勘

古堯咨傳載子述古博古考隆平集堯叟不載其有子堯佐有子十人述古博古皆堯佐子堯咨子七人本傳

皆不載歐陽修所撰陳文惠公神道碑子男十人長述古有德古無博古德古官館閣校勘而宋史堯咨傳載